



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXV. Summa Ignatij in purgando animo cura, illius Examina, forma
particularis examinis.

urn:nbn:de:hbz:466:1-10840

tus, & ab eo spretus eremita, utrumque honorem, miraculo duplici recepit, leuitate socij spectro terribili firmata; & docto cœlitus eremita de vera Ignatij sanctitate. Romæ tandem à fœda hæretici nota, quam coniurati calumniatores ei impegerant; à nece quam illi ferebat sacrilegus; ob admissum in Societatem filium, & ab uno è suis pertinaciter aduersante, diuina bonitas illum eripuit: nam eosdem Romæ subministravit illi testes, quos in Hispania, Gallia, Italia, sanctimonie iudices laudatoresque habuerat; & vibratam in vulnus homicidæ manum repente siccavit (quæ pœnitudine postea in usum redit) & contumaciam socij se vulturum suscepit. Et vero huic in S. Ioannis Lateranensi Basilica, vir aspectu ferox flagello minatus est nisi Ignatio pareret, quod etsi terrore adactus fecit, eius tamen flagelli, tempore, & loco ictus sensit, cuius solo horrore ad futuri emendationem fuerat perculsus.

Hac consensione animi & curatum, semper Deo Ignatius, Deus Ignatij studuit, quod est mutuo ardenter amantium: in quo Ignatius, ut coram Gregorio X V. Cardinalis de Monte, eximiè dixit, eius in arcano Cardinalium Senatu virtutes referens, martyrum, & mulitorum reuocauit exempla sanctorum, qui sui penitus obliti, de diuina gloria tantummodo lababant. Verum ut est amoris undeque perfecti, sui propter Deum semper immemorem viuere, sic ad eius quoque excellentiam amoris pertinet; propter Deum, numquam sui omnino obliuisci, hoc est habere seipsum semper in oculis, seipsum seueri examinis inspectione consulere, ad notandum ecquid forsitan insit, quod Deo non satis placeat. Qua in re certo affirmari potest fuisse Ignatium summè exquisitèque diligenter. Hora ei exhibat nulla quin colligeret sese, & quicquid per illam dictum, actum, cogitatum sigillatim ad lydium vocaret, ita quot horis currit dies, vultu animæ cultiori, Deo se toties fistebat ornator, nouisque auctus proposito, sequentis horæ occupatione vincendi præteritam. Vbi ardet ingens Dei amor, ibidem splendet & magna lux, in hac vero quid Deo placitum, aut secus certatur; & sollicitus utrumque oritur ambitus amouendi ab sese næuum quantumvis leuem, & pene oculos fugientem, etsi viris sanctis nihil leue, si Deo displiceret, cuius cum vrantur quam sui amore flagrantiis, vltro inituti sint ignem quemuis ex quo emergant expiatores, vt mitum non sit ad hoc quamlibet illos diligentiam admouere, vel crebrum examen, vel acerbas de scupsis peñas. Aurum præterea diuinæ caritatis à metallico distat, cui ad supremam, natura vel arte, obfusam excocto, nihil dici potest ad auri excellentiam deesse; operibus vero caritatis sua inde perfectè dignitas, & excellentia, non constat quod concretione aliena insensibilium quoque defecatum nihil eorum legi aut pretio decedat. Sancti enim viri, Deo eiusque amore incensi, suam Deo vitam solent opponere; hoc est qualem, & vellent, & esse deceret attendere, vt digna Deo esset, ad quem cum nihil sit tam sanctum, quin multo vitio scateat, hinc sua omnia velut officio, rectoque imparia, lance assidua trutinant, ac novo meliorum

XXV.

*Summa Ig-
tij in purgans
do animo cu-
ra, illius
Examina.
forma parti-
cularis exa-
minis.*

proposito expoliunt semper, & absoluunt. Quæ humilitatis caritatisque pæstra perpetua magnos breui progressus virtuti adiicit, in hac Ignatius cum exerceceretur assiduitate semper acri, & vegeta, illorum mentem capere satis non poterat, qui cuperent quidem Deo perplacere, & in agone pietatis eminere; hanc tamen cordis interrogandi, expiandi, perficiendi frequen-
tiam strenuam fuisseque haberent. Vnde illud cius, usum patri cuidam val-
de mirum, qui roganti quoties animum eo dic ad examen vocasset, cum re-
sponderet iam septies, hem! ait Ignatius, tam raro? quamuis multæ ad no-
tum etiam tum restarent horæ. Præter hanc sui inspectionem tam cre-
bram, & sedulam, & prolixiores duas de media die, & ante somnum,
aliam in usum reuocauit, antiquorum patrum inuentione consecratam,
sibique Manresæ ab eodem illorum magistro spiritu suggestam. Examen
ab eo particulare nominatur, quod in expugnando singulari aliquo vitio
tamdiu occupetur, dum id radicitus extirparit. Est hoc inter alia mirè po-
tens ad animi scoriam breui tempore absumendam, obtinendamque puri-
tatem conscientiae illibatam, si tamen præscriptis ab eo regulis peragatur.
Harum aliquot hic describam utilitatim magis legentium ad imitationem
consulturus, quam piæ curiositatim ad cognoscendam viri sancti industriaem.
Igitur vis omnis cum tanto in hostes singulos erumpat lentior, quanto in
multos exerta diuiditur, raro integrâ potitur victoriâ, et si continuo prælie-
tur: ex quo sit, ut præter communem contra omnes pugnam, singulare
seorsim cum uno aliquo certamen, cautius ineatur, isque ante alios peten-
dus quem magis auersatur Deus, vel quia capitalior per se, vel quia dam-
nosior. Mane prima sit euigilantis haec cogitatio, & ardor, pugnandi cum
eo defectu quem expugnandum legerimus, poscendique ad hoc à Deo ro-
bus, & animum: sit deinde ad manum consuta in libellum carta, cuius
pagina quælibet quatuordecim signetur lineis, quæ dies hebdomadæ, septem
binariis referant, sic tamen ut sequens linea præcedenti sit semper brevior.
Harum enim est usus ad subducendam secum quotidie bis ratiunculam;
ante praudium excutienda pars diei transacta, signandumque transuersis tot
prima in linea ductibus, quot nobis contigerint in vitium lapsus cui de-
bellando attendimus; idemque serò factitandum. Quod autem sperare
ratio suadeat fore semper lapsus numero pauciores, ob id prioribus, po-
steriores linea ducuntur breviores. Quanquam duci longius primis ope-
teret, si conferretur id examen in actus virtutis alicuius complures quoti-
die edendos: nec putet fortassis inconsulta cuiusquam grauitas nimis pue-
rilem suorum hanc lapsuum geminam computationem. Valet primum ad
tempus cum matutino pomeridianum; hodiernum hesterno; exactam hebd-
omadam, superiori conferendam, & videndum ecquid in melius, vel in
deterius itum sit, ac inuestigatis labendi causis, de cœtero cautius iis occur-
rendum. Valet eadem ad æquandæ utcumque cum Deo rationes, offendio-
num unquamque pœnis singulis exsoluendo: ita Ignatius importunam
suam ridendi consuetudinem peculiari examine impugnans, quoties ri-
sisset,

fisset, totidem sibi catena ferrea inflicitis plagiis noctu exsoluebat. Quin & interdiu mox, ut errasse se viderat, sublatis statim ad Deum oculis, vel admota pectori, quasi aliud agens, manu, veniam tacite precabatur; ac Manresa dum egit, ut numerum lapsum teneret quos per examen ferotinum animaduertisset, nodis illos signabat fine quo præcingebatur implicitis.

Tam incensa Deo placendi studia, cum æquali eiusdem amore, ac diligentia tam exquisiti tribunalis, coniuncta, dici non potest Ignatij animum quam sublimem leuarint, ad purgatissimam sanctitatem: mille in se suaque omnia apertos pandebat oculos, ut qui Deo adstaret continenter, eiusque ex se pulcherrimam in qua totus hærebat speciem optaret quantum fas homini referre, atque omnem horret labeculae umbram, qua in oculis Dei formosus animæ obscuraretur nitor, accedebat his auulsum, & liberum à creatis peccatis, unum in iis amans & appetens Deum, & in eo uno uniuersa. Nihil erat in humanis, cuius voluptate, aut desiderio tangeretur, & perinde habebat iis prorsus carerere, quam supremo iure omnibus dominari; præter Deum enim flocci omnia pendere, extra illum cuncta, quantacumque haec forent infinitis sub illo abiecta spatiis spectare, ac pro nihilo spernere, summa eius votorum apud Deum solaque ambitio Deum diligere, & in eius amoris pretium, amando crescere. Hoc ut impetraret a primo vitae mutatae initio concinnauerat sibi hanc preculam, quæ nisi ad homines virtute perfectos non pertinet, si non ore tenus, sed ex animo recitetur. *Suscipe Domine uniuersam meam libertatem; accippe memoriam, Intellectum, atque voluntatem omnem, quicquid habeo, vel posse deo mihi largitus es, id tibi totum restituo, ac tuae prorsus voluntati trado gubernandum. Amorem tui solum cum gratia tua mihi dones, & diues sum sati, nec alind quicquam ultra posco.* Alia est, pio multorum usu frequentata cuius initium. *Anima Christi sanctifica me, &c.* & Sancto Ignatio attributa, opinor quod eam non raro includit, meditationum suarum colloquiis; ex quo etiam natum putem, ut in requirendo illius auctore minus diligentes, suis libris eam vulgauerint velut proprium sancti viri partum; at ea cuiuscumque tandem non est planè S. Ignatij, legi enim illam in libro Lugduni ann. 1499. typis impresso, cum esset tum octennis Ignatius: addebatür que recitaturis præscripto tempore, indulgentia poenarum; at Bonifacius, et si sit eius nominis postremus, saeculo integro Ignatium præcessit. Itaque nihilo segnus quemcumque gessit, facturus fuerat, tametsi nulla in futurum, meritis præmia, Deus posuisset, siquidem nulla re caritas generosa in nisus heroicis diuinæ gloriæ potentius rapitur, quam Dei ipsius dignitate, atque ipso metu Deo: inde illa eius, ut de Paulo agens Chrysostomus loquitur, *amoris insania*, qua securitatem propriæ salutis securitati posthabuit diuini honoris: nam si daretur optio ex hac vita, statim certoque in aliam, æternum beatam transeundi; vel in hac hærendi, sed incertum illius obtinendæ, certum tamen augendæ animarum lucro, diuinæ gloriæ.

XXVI.

Rebus terrenis omnibus superior Ignatij animus.

Xx 3 aiebat.